



共四十二
保嬰撮要
三

武
584
11



武
584
卷 11

保嬰撮要卷之五

薛氏醫按

吳郡薛鎰集 薛 已驗

江 都 吳中珩校

鶴膝行遲

錢仲陽云鶴膝者乃稟受腎虛血氣不充致肌肉瘦薄骨節呈薄如鶴之膝也行遲者亦因稟受肝腎氣虛肝主筋腎主骨凡藏血腎藏精血不足則筋不榮精不足則骨不立故不能行也鶴膝用六味地黃丸加鹿茸以補其血氣血氣既充則其肌肉自生行遲用地黃丸加牛膝五加皮鹿茸以補其精血精血既足則其筋骨自堅凡此皆肝腎之虛也虛而熱者用六味地黃丸虛而寒者用八味丸若手拳攣者用薏苡仁丸足拳攣者用海桐皮散脾胃虧損腎臟虛弱寒邪所乘而膝漸腫者佐以補

薛氏醫按

保嬰撮要卷之五

一

字頁



中益氣湯及大防風湯

治驗

一小兒體瘦腿細不能行齒不堅髮不茂屬足三陰經虛也
用六味丸補中益氣湯服年餘諸症悉愈

一小兒六歲面色眊白眼白睛多久患下痢忽聲音不亮腿
足無力先用四神丸止其痢後用地黃丸加牛膝五加皮鹿
茸補其腎兩月餘漸能行半載後其聲響亮後停食另用消
食芫連瀉五七次去後益頻五更侵晨為甚聲音復瘖步履
復難而腿足作痛仍服前丸兼補中益氣湯而愈

一小兒七歲左腿自膝下至脛細小行步無力用地黃丸加
鹿茸五味子牛膝為主佐以補中益氣湯半載腿膝漸強而
能步畢姻後其腿內熱足心如炙唾痰口渴余謂當補脾腎

不信另用滋陰丸痰熱益甚服四物黃栢知母之類飲食日
少服二陳青皮枳殼之類胸滿吐血服犀角地黃湯唾血不
時大便頻數復請視仍泥實火余辭不能治恪服犀角地黃
湯而唾血益甚不時發熱後復懇治余曰兩足心熱唾痰口
乾腎虛水泛也飲食少思胸膈痞滿唾血不止脾虛失攝也
晝發夜伏夜作晝止不時而熱無根虛火也遂用四君子及
八珍湯地黃丸間服而愈

四神丸治脾虛胃弱大便不負飲食不思或泄利腹痛等症方見驚瀉

芎藭仁丸治稟受肝氣怯弱致兩膝攣縮兩手伸展無力

當歸焙 秦艽 薏苡仁 酸棗仁 防己 羌活各一兩

右為末煉蜜丸鷄豆大每服一丸麝香荊芥湯下

海桐皮散治稟受腎氣不足血氣未榮脚趾拳縮不能伸展

薛氏醫案 保嬰最要卷之五

海桐皮

牡丹皮

當歸酒浸

熟地黃

牛膝酒浸各一兩

山萸萸

補骨脂各五錢

右為末每服一錢葱白煎湯食前服

五加皮散治四五歲不能行

真五加皮

川牛膝酒浸二日

木瓜乾各等分

右為末每服二錢空心米湯調下一日二服服後再用好酒半盞與兒飲之仍量兒大小

益氣養榮湯治氣血損傷四肢頸項等處患腫不問軟硬赤白痛否日脯發熱或潰而不斂者並宜服之

人參

茯苓

陳皮

貝母

香附

當歸酒

川芎

黃芪鹽水拌炒

熟地黃酒

芍藥炒各五分

甘草炙

桔梗炒

柴胡各三分

白朮炒一錢

右薑水煎服大人倍用

八珍湯

即四君四物二湯四物見急驚四君見內鈞

四神丸

方見驚瀉

六味丸

方見嘔吐乳

八味丸

即六味丸加肉桂附子二方見醫心方

消食丸

方見嘔吐乳

補中益氣湯

方見虛羸

大防風湯

方見鶴膝癱

四君子湯

方見內鈞

齒遲

經云齒者腎之標骨之餘也小兒稟受腎氣不足腎主骨髓虛則髓脉不充腎氣不能上營故齒遲也用地黃丸主之

治驗

一小兒三歲言步未能齒髮尤少體瘦艱立發熱作渴服肥兒丸不應余曰此腎虛疳症也蓋肥兒丸脾胃經之藥久服則腎益虛其疳益甚不信牙髮漸落余用地黃丸加鹿茸五

味子半載而元氣壯

一小兒體瘦腿細行步艱辛齒不堅固髮稀短少用六味地

黃丸補中益氣湯年餘諸症悉愈形體壯實

芎藭散治齒生遲或齒墮物少力

芎藭 生地黄 山藥 當歸 芍藥 炒 甘草 各等分

右各另為末每服二錢白湯調

地黃丸 方見腎臟 補中益氣湯 方見虛癩

咬牙

夫齒屬足少陰腎經牙牀屬手足陽明經小兒寤寐不時咬牙其所致之經不同或本於心經之熱或本於肝經之熱或本於脾肺腎經之熱若發熱飲水叫哭而搐者心經實熱也睡困驚悸合面而臥者心經虛熱也面青目劄呵欠項強煩悶者肝經

實熱也手尋衣領及亂捻物者肝經虛熱也發搐面青面赤肝經風熱也煩悶喘促見於申酉時者肺經熱也胸滿氣急喘嗽上氣肺感風寒也見於亥子丑時者腎經熱也眼目異明及無睛光或解顛下竄胎稟腎虛也飲水口中氣熱胃經實熱也飲湯口中氣冷胃經虛熱也發搐河欠面黃脾虛發驚也心經實熱用瀉心湯虛熱用導赤散肝經實熱先用柴胡清肝散治肝火後用六味丸生肝血肝經風熱亦用前藥虛熱則用六味丸用經實熱用瀉白散虛熱用保肺湯腎經實熱用六味丸減茱萸二兩以生地易熟地虛用地黃丸胃經實熱用瀉黃散虛用異功散脾虛發驚用五味異功散若乳母多食膏粱厚味致兒咬牙者用清胃散

治驗

一 小兒七歲素喜食甘味兩手發熱夜睡咬牙用瀉黃散而愈後不守戒仍作用大黃等藥前症益甚更滯頤舌手足冷余謂此脾胃復傷而虛甚也用六君子加柴胡升麻治之漸愈又用五味異功散加柴胡升麻而痊

一 小兒面素痿黃或時變青飲食過多睡而咬牙服尅伐之劑口舌生瘡大便泄青發搐痰盛唇青手冷用六君加木香柴胡升麻數劑而安但飲食後腹膨作噯用四君子湯爲細末不時煨薑湯調服少許月餘而痊

一 小兒六五歲盜汗面赤睡中咬牙自服清胃散前症益甚更遺精補熱口乾倦怠余用六味地黃丸補中益氣湯而痊
一 小兒十四歲素食膏粱多燻睡中咬牙此脾胃積熱先用清胃散及二陳黃連山查犀角各數劑間服補中益氣湯而愈

一 女子十四歲發熱作渴月經先期睡中咬牙此用脾二經虛熱也用加味道遙散而安後因怒前症俱作用柴胡梔子散而痊

一 小兒夜間咬牙或盜汗或便血審其母懷抱鬱結又兼便血用加味歸脾湯加味道遙散與母兼服其子亦愈

一 小兒因母食膏粱醇酒睡中咬牙或時鼻衄右腮鼻準色赤先用加味清胃散加味道遙散與母服兒亦愈

一 小兒病後不語睡中咬牙驚悸飲水困倦少食用化痰鎮驚等藥益甚余謂屬心脾腎陰虛用六味地黃丸爲主佐以五味異功散秘旨安神丸諸症頓愈

一 小兒感冒風邪咳嗽喘逆不語咬牙右頤色赤此肺經客熱用瀉古黃芪湯一劑而痊後因停食腹脹咳嗽鼻塞

用六君子湯加桔梗桑皮杏仁 劑而愈

一小兒咬牙審知因母大怒先用小柴胡湯加山梔杜丹皮

治之母子並愈

潔古黃芪湯

人參 黃芪 茯苓 白朮 芍藥 各一

乾薑 陳皮 藿香 各五分

右水煎服

保肺湯 方見傷風咳嗽

柴胡梔子散

柴胡清肝散 二方見發熱

補中益氣湯 方見虛羸

小柴胡湯 方見瘧症

二陳湯 方見寒吐

瀉黃散 方見脾臟

瀉心湯

導赤散

秘旨安神丸 三方見心臟

瀉白散 方見肺臟

地黃丸 方見腎臟

六君子湯

歸脾湯

四君子湯

加味逍遙散

清胃散

異功散 六方見內鈔

語遲

錢氏云心之聲為言小兒四五歲不能言者由姪母卒有驚動邪乘兒心致心氣不足故不能言也有稟父腎氣不足而言遲者有乳母五火遺熱閉寒氣道者有病後津液內亡會厭乾涸者亦有脾胃虛弱清氣不升而言遲者心氣不足用菖蒲丸腎氣不足用羚羊角丸閉塞氣道用加味逍遙散津液內亡用七味白朮散脾胃虛弱用補中益氣湯

治驗

一小兒言遲泄瀉聲音不亮雜用分利清熱等劑喉音如瘖
飲食少思朝用地黃丸加五味子夕用補中益氣湯其瀉漸
止遂專服前丸兩月喉音漸響

一小兒白睛多瀉後喉瘖口渴兼吐大便不實朝夕服地黃
丸而痊後患瀉喉復瘖仍服前丸而愈此皆稟賦腎氣不足
故用是藥

一小兒五歲不能言咸以為廢人矣但其形色悉屬肺腎不
足遂用六味地黃丸加五味子鹿茸及補中益氣湯加五味
子兩月餘形氣漸健將半載能發一二言至年許始音聲如
常

萬蒲丸治心虛語遲

石菖蒲 丹參各一錢 赤石脂三錢 人參半兩 天門冬去心焙一錢
右為末煉蜜丸麻子大食後溫水服二三十丸

羚羊角丸治行遲

羚羊角鎊 虎脛骨醋炙 生地黃焙 酸棗仁
白茯苓各五錢 肉桂 防風 當歸 黃芪各二錢半
右為末煉蜜成劑每服一皂子大白湯化下
七味白朮散方見腹痛 補中益氣湯方見虛羸
六味地黃丸方見腎臟 加味逍遙散方見內鈞

瘡

經云舌者音聲之機也喉者音聲之關也小兒卒然無音者乃
寒氣客于會厭則厭不能發發不能下致其門闔不致故無音
也若咽喉音聲如故而舌不能轉運言語則為舌瘡此乃風冷
之邪客於脾之絡或中於舌下廉泉穴所致也蓋舌乃心之苗
心發聲為言風邪阻塞其經絡故舌不能轉運也若舌不能轉

運言語而喉中聲嘶者則爲喉瘖此亦爲風冷所客使氣道不通故聲不得發而喉無音也然或風痰阻塞或因心驚氣虛或因脾之脈絡受風或因風痰滯於脾之絡或因脾氣不足或胃中清氣不升皆足以致瘖大抵此症亦有稟父腎氣不足不能言者有乳母五志之火遺兒薰閉清道不能言者或兒病津液耗損會厭乾澀不能言者或腎氣不充虛火上炎傷肺不能言者有驚風中風不能言者若遺熱與津液耗者用七味白朮散清氣不升者用補中益氣湯稟腎不足與虛火傷肺者用六味地黃丸若仰首咳嗽肢體羸瘦目白睛多或兼解顛呵欠咬牙等症悉屬腎虛非 地黃丸不能效也

治驗

一小兒面色目睛多白兩足脛常熱所患之症悉屬腎虛畢

如後唾痰口乾頭暈久瀉忽然失音先君云此亦腎虛也用補中益氣湯八味四神二丸補之尋愈

一小兒亦面色目睛多白大便頻泄侵晨作瀉肌體骨立食少唾痰先君謂腎氣不足之故不信後加頭暈聲瘖足脛逆冷復請治仍欲祛痰又云頭暈聲瘖中氣不能上升也足脛逆冷陽氣不能充達也遂用補中益氣湯及四神八味二丸以補命門之火而愈

一小兒患泄瀉聲音不亮難用清熱等劑聲音如瘖飲食少思去後多在侵晨朝用地黃丸加五味子夕用補中益氣湯其泄頓止却專服前丸不兩月聲亮而愈

一小兒目睛白多黑少吐瀉後喉瘖口渴大便不實朝夕悉服地黃丸而瘖後患瀉其喉復瘖仍服前丸遂愈

一小兒十一歲形羸骨立而面皎口乾白睛多而黑睛少不能頓言用六味地黃丸補中益氣湯其形漸充年餘而能言
一小兒解懸不言其形屬腎虛而兼疳症先用六味地黃丸以補腎水又用補中益氣湯以補肺金半載漸愈年餘疳病痊而能言

一小兒喉音不亮至十九歲咽仍不響面色赤白睛多畏明畢姻後頭覺脹視物皆大作渴飲冷亦用前二藥喜其遠幃幙戒厚味二年諸症悉愈其聲響亮

世傳通關散治驚風愈後聲病不能言者以大南星一個炮為末每服二分猪膽汁調下便能言語

治要茯苓補心湯治心氣不足善悲愁怒衄血面黃五心煩熱或咽喉痛舌本作強

茯苓 四錢

桂心

甘草 炒各三分

紫石英 煨

人參 各一錢

大棗 二枚

麥門冬 去心一錢

右水煎服

導痰湯

半夏

南星

茯苓

陳皮 炒

枳實 炒

右薑水煎服

防風散治脾臟中風多汗惡風身體怠惰四肢不能動色微黃不嗜食舌強語澁口眼喎斜或肌膚不仁腹膨心煩身發熱神思如醉其脈浮緩曾滿痰涎志意昏濁

獨活 一錢五分

防風

茯苓 去木

人參

附子 炮去皮

前胡

沙參

半夏 湯洗七次

黃芪 炒

旋覆花

羚羊角 銹

甘草

右水煎服

半夏湯

半夏

桂枝

甘草各等分

右水煎細細呷之

雞頭丸治小兒諸病後不能語

雄雞頭一個

鳴蟬三個

大黃錦紋者濕紙裹煨

甘草炙

木通

人參各半

當歸

黃芪

川芎

遠志去心薑汁製

麥門冬去心焙

各三分

右為末煉蜜丸小豆大平旦米飲下五九日三服兒大者加

之久服取効

射干湯治夏秋暴寒喘咳喉啞失聲喉中如梗

半夏五錢湯炮

生薑四錢

杏仁三錢去雙皮尖

射干

甘草炙

紫苑

肉桂

枳實炒

當歸

橘皮

獨活

麻黃去節泡

右每二三錢水煎服

菖蒲丸

方見語遲

錢氏全蝎散

方見偏風瘰

地黃丸

方見腎臟

七味白朮散

方見積痛

補中益氣湯

方見虛

二陳湯

方見吐噦

滯頤

小兒滯頤者涎流出而清於頤間也脾之液為涎由脾胃虛寒不能收攝耳治用六君子湯加木香凡作渴飲冷者屬實熱宜瀉胃火作渴飲湯者屬虛熱宜補中氣若脾經實熱而廉泉不能約制者用牛黃清心丸脾經虛熱而廉泉不能統攝者用六君子加木香胃經實熱而蟲動津液流出者用瀉黃散虛熱用五味異功散大便秘結用清涼飲中氣下陷用補中益氣湯食積內熱用大安丸仍察口瘡頤腫條互覽之

治驗

一小兒滯頤面色痿黃余謂當調補中氣不信用清熱之劑更加弄舌乃用五味異功散漸愈後因停乳吐瀉復作先用大安丸消其宿乳次用五味異功散補其中氣而痊

一小兒滯頤面色赤手指熱用瀉黃散一服而愈後因乳母飲酒其子復患前症用東垣清胃散加乾葛神麩麥芽母子並服而愈

一小兒停食腹痛用疎導之藥痛止左項筋動口角涎流面已痿黃腹體微腫先用六君柴胡升麻山梔四劑次用異功散加升麻而痊

一小兒停食腹痛服峻利之藥吐瀉自汗厥冷滯頤用六君升麻柴胡而愈

一小兒十一歲滯頤兼噎氣下氣時常停食服消導清熱之劑大便不實小腹重墜此脾氣下陷也用六君升麻柴胡飲食漸進大便漸實又用四神丸而愈

一小兒滯頤面色白或螻腹痛手足時冷脈微細此肺腎虛寒也宜先培其脾土用溫胃散二服腹痛頓止又六君子湯諸症並愈後停食挾驚吐瀉發搐滯頤腹痛復作用六君加柴胡釣藤鈎四劑而痊

一小兒吐舌流涎余謂心脾有熱用導赤瀉黃二散而愈後自服清熱化痰等藥更加弄舌余用異功散加釣藤鈎而安又用六君子湯而愈

一小兒滯頤面色白或赤目劄咬牙此稟肝腎氣不足內熱而生虛風也用地黃丸以滋腎水異功散以補脾土而安

一 小兒滯頤面青手按其腹則叫痛此夾食與驚也用異功散加枳實升麻二劑而愈後又停食吐瀉滯頤發搐面色青黃此脾虛而肝木乘之也用異功散加升麻柴胡鈞藤鈎而溫胃散治脾冷涎多流滯於頤

丁香一兩 人參 半夏 肉荳蔻 白朮 乾薑 甘草各半兩

右為末每服一錢薑水煎 愚按此方治脾胃虛寒涎流不止或嘔吐腹痛之良劑也脾氣稍溫但服五味異功散

六君子湯

錢氏異功散

四君子湯

清胃散 四方見內鈞

四順清涼飲

補中益氣湯

大安丸 保和丸加白朮三方見虛羸

瀉黃散 方見脾臟

牛黃清心丸 方見急驚

四神丸 方見驚瀉

導赤散 方見心臟

腹痛

小兒腹痛口中氣冷不思飲食脾土虛寒也用調中丸主之口中氣溫大便酸臭積痛也用下積丸治之面赤壯熱或手足並熱實熱也用瀉黃散瀉之面黃微熱或手足並溫虛熱也用異功散補之若作渴飲湯胃氣虛熱也用白朮散若痛連兩脇肝木乘脾也用四君子湯加柴胡芍藥若腹痛重墜脾氣下陷也用補中益氣湯加升麻若手足指冷或吃逆泄瀉寒水侮土也用六君炮薑肉桂不効急加附子若服尅滯之藥致腹作痛按之不痛脾氣復傷也用五味異功散中脘痛者屬脾少腹痛者屬腎按之痛者為積滯不痛者為裏虛積滯者消之裏虛者補之

治驗

一小兒停食腹痛發熱面赤或用養胃湯枳殼黃連山查反加腹脹午後發熱按其腹不痛此脾虛而尅伐傷之也用六君子湯數劑而瘥

一小兒七歲發熱驚悸用化痰藥反抽搐惡寒吐痰喘嗽腹痛少食用抱龍丸大便似痢寒熱往來殊類風症余以為脾氣復損用四君子湯少加升麻柴胡治之月餘而愈

一小兒肚腹膨痛食後即瀉手足逆冷此脾氣虛寒也先用人參理中丸後用六君子湯而愈

一小兒九歲常患腹痛至冬月因食生冷之物其腹仍痛服理中丸之類輒効至十六歲秋初畢姻後腹痛又作唇面黯瓜甲青余先君用八味丸補火隨愈服四兩許痛不再作至

二十歲外痛復作服前丸不應乃服附子理中湯而止仍用八味丸而安

一小兒腹痛吐舌流涎作渴飲冷便秘用清涼飲下之頓安余謂小兒元氣易虛易實病勢稍安不必再藥不信自用三黃一服果吐瀉發搐余用白朮散加鈞藤鈞補脾平肝而愈

四七氣湯治七氣所傷痰涎結聚心腹作痛不能飲食
半夏製焙五兩 人參 辣桂去皮各一兩 甘草半兩

右每服三錢薑棗水煎
指迷七氣湯治七情相于陰陰不升降氣道壅滯攻衝作痛

青皮 陳皮 桔梗 蓬朮 辣桂 益智仁各一兩
香附子一兩 甘草炙三錢 半夏製三錢

右每服三錢薑棗水煎

異功散治小兒諸般痢症角弓反張胸高臍凸以透明沒藥爲

末薑湯調下方見天鈞即錢氏異功散

桔梗枳殼湯治氣壅痞結腹脇疼痛

枳殼炒 桔梗各二兩 甘草炙半兩

右每服二三錢薑水煎

七味白朮散治積痛和胃氣生津液方見積痛

愚按前方若脾胃氣虛作渴飲湯或因吐瀉津液虧損煩渴

引飲或脾胃虛弱腹脹瀉渴弄舌流涎手足指冷並宜服之

以溫補脾氣化生津液方見積滯

六君子湯治脾胃氣虛吐瀉不食肌肉消瘦或肺金虛痰嗽喘

促惡寒或肝虛驚搐眩運自汗諸症並宜服此以滋化源方見內鈞

瀉黃散方見脾臟 四君子湯方見內鈞

補中益氣湯方見虛羸 八味丸方見腎臟

附子理中湯 人參理中丸二方見冷瀉即理中湯

益黃散方見脾臟 調中丸方見脾胃虛冷

腹脹

東垣云寒脹多熱脹少皆主於脾胃虛者宜用六君子湯若喘而氣短者脾肺氣虛也用異功散補之若服尅伐之類而喘脹益甚者脾肺之氣復傷也用前湯加半夏升麻若既下而不喘則邪氣去而肺氣寧也不必用藥或病久小便不利或四肢浮腫者脾肺之氣虛不能通調水道也用金匱加減腎氣丸主之或手足逆冷睡而露睛脾胃虛寒也用六君子加炮薑手足不冷睡而露睛脾胃虛弱也用六君子湯若面色青木尅土也用六君木香柴胡更當調治乳母節其飲食恐藥餌過劑復傷胃

氣故也

治驗

一小兒腹脹面赤痰喘大便秘壯氣飲冷此形病俱實用紫霜丸一服諸症益甚面色頓白飲湯不絕余以為邪氣退而真氣復傷故面白而喜湯用白朮散大劑煎湯令恣飲良久而睡翌日頓安

一小兒傷食腹脹胸滿有痰余治以異功散而痊後復傷食腹脹兼痛或用藥下之痛脹益甚而加氣喘此脾胃傷而致肺虛也用六君子加桔梗調補而痊

一小兒腹脹惡食發熱惡心疰類外感余曰此飲食停滯也用保和丸一服諸症頓退惟腹脹用異功散而痊

一小兒傷食腹脹服剋伐之劑小便澀滯又服五苓散之類飲食漸減小便不通四肢頓腫余朝用金匱腎氣丸去附子夕用補中益氣湯而安

一小兒傷風咳嗽痰湧用六君桔梗桑皮杏仁而愈復飲食停滯作瀉腹脹仍用六君山查厚朴而安後停食作嘔或用藥下之更加咳嗽余謂此屬脾肺俱虛欲行調補被以為緩乃發表剋滯前症益甚更加搖頭余用天麻散倍加釣藤鈎及異功散尋愈

一小兒五歲食粽後咬牙欲吐頃間腹脹昏憤鼻青黃赤此脾土傷而食厥也令用雞翎探吐出酸物頓醒節其飲食勿藥而愈

一小兒胸腹脹發熱頓悶以手按腹即哭此飲食停滯也先用保和丸一服前症即愈更加煩渴按其腹不哭此宿食去

而脾胃復傷也用五味異功散加柴胡治之頭瘰

一小兒腹脹大便青白腹左一塊面色痿黃齒齲赤爛食少

滯頤余用異功散調補中氣為主佐以大蕪荑湯清疳治熱

月餘諸症稍愈仍服異功散及蚶蟆丸外貼阿魏膏兩月塊

消左脇微痛用四君子湯九味蘆薈丸而愈

藜蘆子微炒 陳皮 青皮炒 檳榔 五靈脂

蓬朮煨 黑牽牛頭末各半炒 赤茯苓 木香二錢五分

右為末麵糊丸棗豆大每服十五丸紫蘇湯下

金匱加減腎氣丸

熟地黃八兩 乾山藥 山茱萸各四兩 澤瀉 白茯苓

牡丹皮各三兩 肉桂 附子炮 車前子炒 牛膝酒洗炒

右各另為末末糊丸小豆大每服三四十丸空心食前白湯下

紫霜丸 方見燥風 大柴胡湯 方見瘧症

五苓散 方見五淋 保和丸 方見虛羸

天麻散 方見百辟內嗽 大蕪荑湯

蚶蟆丸 九味蘆薈丸 三方見疳症

癖塊痞結

錢仲陽云癖塊者僻於兩脇痞結者否於中脘此因乳哺失調
飲食停滯邪氣相搏而成或乳母六淫七情所致古人多用剋
伐痞癖既久飲食減少脾氣必虛久而不愈必先以固胃氣為
主使養正則積自除若欲直攻其結不為不能善消抑亦損其
脾土凡脾土虧損必變症百出矣當參名類及隨見症而主之治

治驗

一小兒患痞癖服檳榔蓬朮枳實黃連之類痞益甚余曰此脾經血虛痞也不可剋伐遂用六君子加當歸數劑胃氣漸復諸症漸愈乃朝用異功散加升麻柴胡夕用異功散加當歸芍藥而愈

一小兒素嗜肉食腹痛大便不調半載後右脇結一塊三月後左脇又結一塊腹脹食少作渴小便赤濇大便色穢又半載後領下亦結一核妄服消塊行滯等藥而元氣益虛用四味肥兒丸五味異功散之類熱渴漸止腹脹漸可佐以九味蘆薈丸結核漸消後用四君子爲主佐以四味肥兒丸之類三月餘而痊

一小兒停食吐瀉後飲食不節作瀉腹痛膨脹腹中結塊作渴發熱齟爛口臭服消導剋滯之藥而前症益甚形體益瘦視其面色黃中隱青乃脾土虧損而肝木所侮也法當調補中氣兼平肝木遂用中和湯及大蕪荑湯之類半載而愈

一小兒患痞結服剋滯之藥余謂屬形病俱虛當補中氣彼不信仍行剋伐遂致虛火上炎齒齟蝕爛領下結核余用大蕪荑湯及異功散加減用之而安

一小兒患痞結久而四肢消瘦肚腹漸大寒熱嗜臥作渴引飲用白朮散爲主佐以四味肥兒丸九月餘諸症漸愈又以異功散加當歸并六味地黃丸又月餘而愈

一小兒患痞結身熱如火病狀多端不可盡述朝用五味異功散夕用四味肥兒丸九月餘諸症稍愈佐以地黃丸自能行立遂朝用地黃丸夕用異功散及蝦蟇丸數服而愈

揆痞丸治乳癖穀癥腹中塊痛

薛印醫坊 代猪石 火煨醋 青皮 木香 巴豆 去油淨 六錢

蓬木 煨 生地黃 各三錢 黃芩 炒 大黃 炒各半兩

右為末醋糊丸麻子大每服二三丸食後薑湯下 甘遂破結散

甘遂 二錢五分 煨黃 青皮 煨 黃芩 炒 大黃 炒各半兩

右為末每服一錢水煎服仍量兒加減利後以粥補之 進食丸治乳食不消心腹脹滿壯熱喘粗嘔吐痰逆腸鳴泄瀉

或食癥乳癖疝氣痞結並皆治之 巴豆霜 當歸 米泔炒 朱砂 代猪石 醋煨碎 七次

枳殼 炒 木香 各五錢 麝香 一分

右為末糊丸麻子大每服一二丸溫米飲下更量兒加減 枳木丸

白朮 四兩 枳實 二兩

右為末荷葉包煨爛飯為丸桐子大每服四五十丸空心白滾湯下

阿魏膏治一切癰塊痞結更服胡連丸

羌活 獨活 玄參 官桂 赤芍藥 川山甲 生地黃 兩頭尖 大黃 白芷 天麻 各五錢

槐柳桃枝 各三錢 紅花 四錢 木鼈 十枚 去殼 亂髮 雞子大一團

右用香油二斤四兩煎黑去粗入髮煎化仍去粗徐下黃丹煎軟硬得中入芒硝阿魏蘇合香油乳香沒藥各五錢麝香三錢調勻即成膏矣攤貼患處內服丸藥黃丹須用真正者

効凡貼膏藥先用朴硝隨患處鋪半指厚以紙覆上用熱熨斗熨良久如稍耗再加熨之二時許方貼膏藥若是疔積加

保嬰最要卷之五 十六 字直

蘆薈末同煨

六味地黃丸 方見腎臟

四君子湯

異功散

六君子湯 三方見內鈔

四味肥兒丸 方見嘔吐

大蕪荑湯 一名冲和湯

蝦蟆丸

九味蘆薈丸 三方見疳症

白朮散 方見積痛

積滯

經曰五臟之積曰積六腑之積曰聚凡小兒積滯或作痛皆由乳哺不節過餐生冷脾胃不能剋化停滯中脘久而成積或因飽食即臥脾失運化留而成積其症面目黃腫腹痛膨脹壯熱足冷嗜臥不思乳食大便醜臭或秘澁小便如油若吐乳瀉乳所出酸臭者為乳積腹脹作瀉嘔吐噦氣者為食積初患元氣

未損之時或腹脹作痛大小便不利者先用白餅子或木香檳榔丸下之下後以白朮散或五味異功散和之渴加乾葛吐加半夏下而熱不退或作嘔作瀉飲食不思此脾胃俱傷也用六君子湯手足指冷喜飲熱湯此脾胃虛寒也前方加炮薑木香面色黃白目無精光脾肺俱虛也用四君子加柴胡升麻腹痛泄利下重或小便不利者用四逆散發熱晡熱或瀉未已脾氣下陷也潮熱口渴大便不調欲變疳症也並用補中益氣湯佐以肥兒丸經云邪之所湊其氣必虛留而不去其病乃實必以調脾為主而以消導佐之古人所謂養正積自除正此意也

治驗

一小兒每停食身發赤暈用清中解鬱湯而愈後患搖頭咬牙痰盛發搐吐出酸腐待其吐盡翌日先與七味白朮散次

與參苓白朮散遂不復作若吐後兒安更不必服藥也

一小兒飲食積滯患嘔吐發熱服消導等劑飲食已消而熱未退余以爲胃經虛熱用六君子升麻柴胡各二分四劑而愈

一小兒七歲停食後腹痛服剋伐之劑而益加按之不痛此脾氣復傷也用六君子湯而愈後復傷食服保和丸及三稜檳榔之類而更腹痛服瀉黃散體重善噫此脾氣虛而下陷也仍用六君子升麻柴胡木香而愈

一小兒數歲間每停食輒服峻利之藥後肚腹膨脹嘔吐泄瀉先用六君子湯諸症漸愈又用補中益氣湯而安

一小兒腹脹飲食後卽瀉手足逆冷此脾氣虛寒也先用參理中丸後用六君子湯而愈

一小兒腹痛以手按之痛益甚此乳食停滯也用保和丸末

一錢檳榔末三分下酸臭糞而安後患腹痛別服峻利之劑其痛益甚手按則已面色黃白此因飲食失宜脾氣不調土虛不能生金也用六君子湯而愈

一小兒久患腹痛診其母右關脉弦緩乃木剋土也用六君子湯加木香柴胡母子並服而愈

一小兒停食腹痛面色白黑睛少手足常冷大便不實口鼻吸氣腹中陰冷此稟命門火衰不能溫蒸中州之氣故脾胃虛寒也用八味丸補中益氣湯而愈

一小兒患前症服驅逐之劑更惡寒發熱余朝用補中益氣湯夕用五味異功散尋愈後飲食停滯腹痛便秘別用疎導之劑朝寒暮熱大便頻數余用五味異功散月餘飲食漸進乃佐以八珍湯內芍藥炒焦川芎些少又兩月寒熱漸愈後

又傷風服參蘇飲汗出喘嗽發熱服清熱化痰之劑更煩熱
不寐尋衣撮空先用六味地黃丸料水煎服諸症頓退再劑
而安却用五味異功散八珍湯而痊後因傷食吐瀉大便欲
去而不去欲了而不了先用補中益氣湯數劑不應改用人
參五錢白朮三錢陳皮甘草各七分升麻四分乾葛五分三
劑又手足並冷急用人參一兩附子五分薑棗水煎一日服
二劑手足始溫又二劑諸症漸退仍用前人參五錢之方治
之而愈

七味白朮散治吐瀉作渴

人參 二錢五分

白茯苓

白朮

藿香葉 各半兩

木香 二錢

甘草 一錢

乾葛 半兩湯加一兩

右每服一二錢水煎熱渴甚去木香肚痛加芍藥

四逆散治少陰病或腹中痛泄痢下重

枳實 炒黃

甘草 炒

柴胡

芍藥

右為細末每服二錢空心米飲調下

白餅子 方見發搐

木香檳榔丸 方見積滯

五味異功散

六君子湯 二方見內鈔

補中益氣湯 方見虛羸

薛氏醫案
保嬰要錄卷之五
七
字

薛氏醫按
保嬰撮要卷之六

保嬰撮要卷之六

薛氏醫按

吳郡薛鎧集 薛 已驗

江 都 吳中珩校

發熱症

小兒之熱有心肝脾肺腎五臟之不同虛實溫壯四者之不一及表裏血氣陰陽浮陷與夫風濕痰食各當詳之心熱者額上先赤心煩心痛掌中熱而噦或壯熱飲水已午時益甚肝熱者左頰先赤便難轉筋尋衣捻物多怒多驚四肢困倦寅卯時益甚脾熱者鼻上先赤怠惰嗜臥身熱飲水遇夜益甚肺熱者右頰先赤手掐眉目喘咳寒熱飲水日西熱甚腎熱者頰下先赤兩足熱甚骨蘇蘇如蟲蝕熱甚不能起於牀夜間益甚心營辨其虛實實則面赤氣粗口燥唇腫作渴飲冷大小便難或熱衣

薛氏醫按

保嬰撮要卷之六

一

字百三

露體煩啼暴叫伸體而臥睡不露睛手足指熱宜用表下虛則
面色青白恍惚神緩口中虛冷噓氣軟弱喜熱惡寒泄瀉多尿
或乍凉乍温怫鬱驚惕上盛下泄夜則虛汗屈體而臥睡露睛
手足指冷宜用調補壯熱者肢體大熱熱不已則發驚癇温熱
者肢體微熱熱不已則發驚搖陰虛則內熱陽盛則外熱以手
輕捫之則熱重按之不熱此皮毛血脉之熱熱在表也重按之
筋骨之分則熱輕手則不熱此筋骨之熱熱在裏也不輕不重
按之而熱此肌肉之熱熱在表裏之間也以虛實分屬表裏而
言之壯熱惡風寒爲元氣不充表之虛熱也壯熱不惡風寒爲
外邪所客表之實熱也壯熱飲湯爲津液短少裏之虛熱也壯
熱飲水爲內火銷燦裏之實熱也若夫內外皆熱則喘而渴齒
乾煩寃腹滿四肢熱逢風寒如多於火能冬不能夏是皆陽盛

陰虛也脉赤寸俱滿爲重實尺寸俱弱爲重虛脉洪大或緩而
滑或數而鼓此熱盛拒陰雖形症似寒實非寒也熱而脉數按
之不鼓此寒盛格陽雖形症似熱實非熱也發熱惡熱大渴不
止煩躁肌熱不欲近衣其脉洪大按之無力或兼目痛鼻乾者
此血虛發躁也當補其血如不能食而熱自汗者氣虛也當補
其氣仲景論內外不足發熱自汗之症禁不可發汗如飲食勞
役雖病發熱誤發其汗則表必虛也身熱而汗出者風也發熱
身疼而身重黃者濕也增寒發熱惡風自汗脉浮曾痞者痰也
發熱頭痛脉數者食也寸口脉微爲陽不足陰氣上入陽中則
惡寒尺脉弱爲陰不足陽氣下入陰中則發熱陰陽不歸其分
則寒熱交爭也晝則安靜夜則發熱煩躁是陽氣下陷入陰中
也晝則發熱煩躁夜則安靜是重陽無陰也當亟瀉其陽以補

其陰至若身熱脉弦數戰慄而不惡寒者瘧瘧也發熱惡寒脉浮數者溫病也若四肢發熱口舌咽乾是火熱乘土位濕熱相合故煩躁悶亂也若身熱沉重走注疼痛乃濕熱相搏風熱鬱而不得伸也心熱則用瀉心湯導赤散安神丸肝熱則用瀉青丸柴胡飲子脾熱則用瀉黃散肺熱輕則用瀉白散重則用涼膈散及地骨皮散腎熱則用滋腎丸實熱則宜疎下虛熱則宜調補壯熱者導赤散溫熱者瀉黃散若肢體熱輕則用惺惺散重則用羌活散之類大便秘者二黃犀角散餘熱不退者地骨皮散骨節疼痛者梔子仁湯宿滯內作者紫霜丸肝火內熱者龍膽草湯陰盛隔陽而熱者人參理中湯肝經血虛生風而搐者用四物天麻鈞藤鈞若熱蘊便秘者四順清涼飲熱而二便調和風邪蘊結於表而發者用惺惺散加麻黃汗之汗後血虛

而熱益甚者六神散加粳米汗後氣虛而惡寒發熱者補中益氣湯汗後陰虛陽無所附而熱者用四物湯加參者汗後陽虛陰無所附而熱者用四君湯加芎歸嬰兒諸熱其因別正而作者當從所重而治之或乳母七情厚味飲食停積遺熱於兒或兒嗜食甘肥衣衾過煖或頻浴熱湯積熱於內為患者各當詳之蓋小兒臟腑脆弱元氣易虛補泄宜用輕和之劑庶無變症若乳下嬰兒當兼治其母仍參諸熱症治之

治驗

一小兒夜間發熱天明如故或小腹作痛飲食少思面色痿黃熱時面赤不時飲湯此食積所致用下積丸治之而消又用白朮散調理而安

一小兒飲食停滯腹痛作嘔用大安丸而愈飲食雖進其腹

仍痛用六君山查神麩痛少止余以為脾氣傷而飲食難化
乃去前二味服六君子四劑而愈後又傷食仍服前藥痛止
而至暮發熱用六君柴胡升麻而痊此由脾虛下陷不能升
發故至暮發熱也

一小兒發熱飲食少思大便不實常服盧蘇等丸視其鼻赤
此寒涼之劑復傷脾土而虛熱也用五味異功散數劑而愈
一小兒十三歲內熱晡熱形體倦怠食少作渴此稟賦怯弱
之虛熱也用地黃丸異功散補之不越月而痊

一小兒十四歲而近女色發熱壯痰至有室兩目羞明頭覺
脹大用地黃丸料加五味子當歸黃芪煎服及補中益氣湯
得慎疾而痊

一小兒十四歲肢體倦怠發熱晡熱口乾作渴吐痰如湧小

便淋瀝或面目赤色身不欲衣此直腎不足而虛熱也用補
中益氣湯六味地黃丸尋愈

一小兒五歲發熱作渴右顛鼻準微赤或與冷水涼藥即時
嘔吐余曰右顛微赤肺經虛熱也鼻準微赤胃經虛熱也先
用四君升麻一劑吐止又用白朮散二劑而不渴更用四君
子湯四劑而安

一小兒九歲發熱作渴用瀉黃散大便重墜口角流涎彼欲
瀉火余曰鼻準青白脾胃虛寒肝木所侮也口角流涎脾氣
不能攝也大便重墜胃氣不能升也不信竟服涼藥眉唇微
動四肢微搐復求治余曰此虛極而變慢脾風矣用六君炮
羌當歸木香鈞藤鈞二劑益甚欲求更劑余曰藥力未及耳
又加炮附子一片即安後去附子二劑而愈

一小兒四歲停滯腹痛發熱用大安丸而飲食進又用六君
山查神麩四劑而痛止後傷食至暮復熱用六君柴胡山梔
升麻而痊此脾虛兼肝火之治法也

一小兒發熱體瘦夜間遺尿日間頻數此稟脾腎不足用補
中益氣湯加補骨脂及地黃丸加鹿茸治之而痊婢姻後小
便頻數作渴發熱服補陰丸等藥發熱尤甚小便如淋用補
中益氣湯六味地黃丸而愈

一小兒體瘦腹大發熱嗜臥作渴引飲先用白朮散為主佐
以四味肥兒丸諸症漸愈又用異功散六味丸而愈

一小兒十四歲傷食發熱服消食丸胸腹膨脹發熱作渴此
脾氣復傷也先用四君升麻柴胡飲食漸進用補中益氣湯
而愈後因勞心發熱少食用四君升麻柴胡而愈

一小兒傷風咳嗽服參蘇飲加痰盛喘急腹脹不食此脾肺
虛而復傷也用六君柴胡桔梗一劑諸症頓愈用六君子湯
而痊

一女子十四歲發熱至夜益甚久不愈左關脉弦數右關脉
微按之亦弦此肝火血熱脾胃虛弱先用四物二連湯加柴
胡山梔牡丹皮二劑熱稍退又二劑熱頓退再用加味道遙
散白朮加三錢數劑而痊

嘉靖癸丑閏三月渠下第北歸犬子麟孫方病瀉不食遍體
如焚胸滿腹冷痛日夜不成寢或投以山查枳殼中氣愈弱
瀉愈甚不食至累月日進米飲一半甌或糕餌棗栗少許稍
過節度則肢體熱益壯腹痛不解奄奄喘息旦暮不保矣立
齋先生枉視之則曰此胃虛不能納脾濕不能運病在戊巳

深且久兼木氣所乘脫服攻治之藥則殆矣亟用補中益氣湯數褻熱稍退瀉不食如初先生復曰此勿亟惟胃氣漸復濕漸除當自得効耳改用六君兼補中湯仍服八味丸生命門火以滋脾土如是三月諸症悉退納穀倍常日惟稍遇形役或記誦心勞則潮熱遄發先生復授以歸脾方加梔柴二種熱尋止形氣日充甲寅七月偶觸暑飲冷前症復作間發瘧疾熱晝夜不止先生曰此虛寒偏陽法當舍時從症用補中湯多加炮薑益以生薑二兩及口而瘧止面色青黃相錯更患痢或謂參芪炮薑不宜先生哂之且曰此固虛弱自利耳往嘗謂戊巳受病木氣乘之此青黃二色非正形耶仍用補中益氣多加柴胡參朮數日而痢止餘症亦漸解脫惟吾兒襁褓失母渠每姑息之故其性外溫而中易怒渠少孤遭

家多難藜藿恒不充兒幼多病失調養故形怯而胃弱致疾之原其所由來者漸矣先生洞微燭幽知其病深且久而堅持獨見以祛攻治之惑吾兒再造之慈何幸得此於先生哉先生之曾大父與先廷評公爲中表兄弟先君與先生同宦游京師末年尤敦泉石之雅先生盛德及於太子能使先人後嗣永存區區志感誠不能盡萬分之一也是歲冬十月望眷晚生張慕渠頓首頓首

嘉靖甲寅敬臣之女年十二患脾胃素弱自夏入秋時瀉時止小腹微痛至八九月間遂成疝積之症發熱凡二十餘日不止汗泄熱解汗已復熱自中脘至小腹膨脹堅直大便溏氣喘咳嗽作噎俱晝輕夜重徹夜煩燥不睡鼻寒眼暗讞語其母以爲必死矣立齋先生診之曰脉浮大而無根此大虛

證也非獨參湯不可乃用參一兩加熟附三分煨生薑三片
日進二劑仍併查服之大下疝積其氣甚腥腹漸寬熱漸減
脉漸斂然手猶尋捻不已鼻孔出血先生曰此肝證也煎六
味丸料與之一服如脫乃晝服獨參薑附湯夜服六味丸料
脉漸有根諸症漸退先此手足恒熱至是乃始覺寒先生喜
曰此病邪盡退而真氣見矣然猶飲食不進乃單用六君子
湯加炮薑遂能食咳嗽獨甚與補中益氣湯嗽遂止夜止有
睡凡弱女之得生皆先生力也向非先生卓有定見專治其
本而其末自愈則奄奄一息之軀豈堪雜劑之攻擊哉其為
丘中之骨蓋必然矣敬臣感激之餘無由以報敬書施療之
顛末以附醫錄庶不泯先生之功且以告同患此者幸無所
悞亦推廣先生一念之仁於萬一云爾孟冬望日眷晚生王

敬臣頓首拜書

敗毒散治傷風瘟疫風濕頭目昏眩四肢作痛增寒壯熱煩躁
睛疼或惡寒咳嗽鼻塞聲重

柴胡

前胡

川芎

枳殼

炒

羌活

獨活

茯苓

桔梗

人參

各一兩

甘草

半兩

右每服二錢生薑薄荷水煎

滋腎丸治腎熱

黃柏

酒拌炒
焦三錢

知母

二錢

肉桂

五分

右為末熟水丸桐子大每服二十丸至三十丸食前百沸湯下
四順清涼飲治小兒血脉壅實臟腑蓄熱頰赤作渴五心煩熱
睡臥不安四肢擎掣及因乳哺不時寒溫失度令兒血氣不
順腸胃不調大小便澀欲發驚癇或風熱結核頭面生瘡目

薛氏醫抄 保嬰掛要卷之六

赤咽痛瘡疹餘毒一切壅滯挾熱泄瀉不止加木香煨大黃

赤芍藥 當歸 甘草 大黃各等分

右每服一錢水煎作兩服

消風散治小兒解脫致令風邪客於皮毛入於臟腑則令惡風

發熱胸膈痰涎目澁多睡方見驚癇胎症

小柴胡湯治傷寒溫熱身熱惡風頭痛項強四肢煩疼往來寒

熱脇痛耳聾嘔噦痰實中暑瘧疾並服之方見天鈞

愚按前方若肝膽經風熱肝火燥癰寒熱往來日晡發熱潮

熱不欲飲食或怒火口苦耳聾咳嗽或脇痛眩滿小便不利

或泄瀉吐酸苦水或肢體搖動唇目抽掣及乳母有前症致

兒為患者並宜服之

抑肝散治肝經虛熱發搐或發熱咬牙或驚悸寒熱或木乘土

而嘔吐痰涎腹脹少食睡臥不安方見肝臟

梔子清肝散一名柴胡梔子散治三焦及足少陽經風熱發熱耳內作

痒生瘡或出水疼痛或胸乳間作痛寒熱往來

柴胡 梔子炒 牡丹皮各一錢 茯苓 川芎

芍藥 當歸 牛旁子炒各七分 甘草二分

右水煎服

柴胡清肝散治肝膽三焦風熱怒火或乍寒乍熱往來寒熱發

熱或頭發瘡毒等症

柴胡一錢 黃芩炒 人參 川芎各一錢

山梔炒半錢 連翹 甘草各五分 桔梗八分

右水煎服

柴胡飲子解肌熱蒸熱積熱或汗後餘熱脈洪實弦數大便堅

薛氏醫抄 保嬰掛要卷之六 八 字百六

黃芩七分

甘草四分

大黃八分

芍藥七分

柴胡

人參各五分

當歸一錢

右每服一錢薑水煎

當歸補血湯治肌熱躁熱目赤面紅煩渴晝夜不息其脈洪大而虛重按全無此脈虛血虛也若慢服白虎湯必死宜此之

黃芪

當歸各等分

右水煎服

黃丸治三焦積熱眼目赤腫頭項腫痛口舌生瘡心膈煩躁不美飲食大小便秘澀五臟實熱或下鮮血瘡密熱症

黃連

黃芩

大黃各等分

右為末煉蜜丸桐子大每服三十九白滾湯下具里大小加減白虎湯治傷寒或吐或下後七八日邪毒不解熱結在裏表裏

俱熱時時惡風大渴舌上乾燥而煩欲飲數升者宜服之
治夏月中暑汗出惡風寒身熱而渴

知母三兩

甘草一兩

石膏八兩

糯米三合

右每服二三錢水煎至米熟為度

瀉黃散方見脾臟

瀉心湯方見心臟

地黃散方見腎臟

清涼飲

柴苓散

二黃犀角散

牛黃散

黃龍湯

牛黃膏

梔子仁湯

六物黃芩湯

五物人參飲

地骨皮散十方見潮熱

惺惺散

理中湯二方見咳嗽加人參即人參理中湯

龍膽湯

薛氏醫按

保嬰要卷之六

九

守真

紫霜丸

二方見見喉風撮口

四物湯

方見急驚

六神散

方見夜啼

白朮散

方見積痛

羌活散

方見驚風

下積丸

方見積滯

補中益氣湯

大安丸

即保和丸加白朮

六君子湯

四君子湯

加味逍遙散

異功散

方見釣

瀉白散

方見肺臟

瀉青丸

方見肝臟

涼膈散

方見瘡瘍

八珍湯

方見寒熱

潮熱

錢仲陽曰潮熱者時間發熱過時即退來日依時而至有風寒瘡積食癖之分陰陽虛實五臟之異如汗出身熱呵欠面赤者風熱也傷寒時疫陰陽相勝外感熱也肌瘦口乾骨蒸盜汗疳

熱也大小便秘澀汗下不解積熱也腹背先熱夜發且止食熱也涎嗽飲水乳食不消癖熱也又有煩熱者氣籠喘促心躁不安頰赤口瘡兼發癩症瘡疹熱者耳鼻尖冷血熱者已午間發至夜則涼虛熱者困倦少力發於病後陽邪于心則來去不定陰陽相勝則寒熱如瘧前症在小兒有因乳母或妊娠七情厚味遺熱或飲食停積衣食過煖及頻浴熱湯而為患若寅卯辰時熱而力盛飲水者肝經實熱也用柴胡清肝散熱而力怯飲湯者肝經虛熱也用六味地黃丸巳午時熱心經也實用導赤散虛用秘旨安神丸申酉戌時熱肺經也實用瀉白散虛用秘旨保脾湯亥子丑時熱腎經也用地黃丸大凡壯熱飲水大便秘結屬實熱用二黃犀角散下之熱渴飲湯大便如常屬血虛用四物湯補之若下後陰虛陽無所附而仍熱用四物參芪汗

後陽陰虛無所生而仍熱用四君芎歸若汗下後煩渴面赤血虛發躁也當歸補血湯若見驚搐等症肝血虛而內生風也用四物天麻鈞藤鈞頰赤口乾小便赤澀大便焦黃表裏俱實熱也用清涼飲子如大便已利或熱未止表邪未解也惺惺散未應加麻黃微汗之既汗而仍熱此表裏俱虛氣不歸源陽浮於外而虛熱也六神散加粳米陽氣下陷於陰中而發熱者用補中益氣湯若乳下嬰兒當兼治其母

治驗

一小兒潮熱煩渴大便乾實氣促咳嗽右頤色赤此肺與大腸有熱用柴胡飲子一服頓愈後因微驚發搐咬牙頓悶此肝肺氣血虛也用四君芎歸鈞藤鈞而愈

一小兒潮熱發躁左腮青赤此心肝血虛用秘旨安神丸及

四物防風酸棗仁漸愈又用六味地黃丸調補肝腎而痊

一小兒潮熱發搐痰涎上湧手足指冷左顙至申酉時青中隱白手足時搐此肝經虛弱肺金所勝而潮搐脾土虛弱而手足冷也用補中益氣湯調補脾肺用六味地黃丸滋補肝腎而愈蓋病氣有餘當認為元氣不足若用瀉金伐肝清熱化痰則誤矣

一小兒寅卯時發熱或兼搐有痰服抱龍瀉青二丸而愈後復患服前藥兼咳嗽氣喘不時發搐面赤色或青黃或浮腫或流涎余謂咳嗽氣喘脾肺氣虛也不時發搐肝木乘脾也面青黃肝入心脾也浮腫流涎脾氣虛也用益智丸以養心血補中益氣湯以補脾氣而愈

一小兒腹痛作嘔飲食少思至暮腹脹發熱此脾虛下陷朝

用補中益氣湯夕用六君柴胡升麻而愈後因勞不時寒熱
夜間盜汗用十全大補湯而愈

一小兒夜間發熱腹脹余謂脾虛肝盛朝用五味異功散夕
用四味肥兒丸熱止乃朝用六味地黃丸夕用異功散而痊
一小兒巳午時發熱驚悸發時形氣倦怠面黃懶食流涎飲
湯余謂心氣不足所致不信反服涼心之藥更加吐瀉睡而
露睛手足並冷幾至慢脾風先用六君薑桂佐以地黃丸愈
一小兒亥子時患前症用益黃散而愈後復發服前藥及清
熱之劑病發不時嗜臥露睛作渴少食大便頻黃予謂脾虛
而肝木勝之兼元氣下陷也用補中益氣湯佐以地黃丸愈
一小兒先停食服剋伐之藥致面色痿黃體倦少食申酉時
潮熱或用清熱消導之劑更加泄瀉予先用六君子湯數劑

後用補中益氣湯漸愈

一小兒申酉時發熱面赤腹中作痛或用峻利之劑下之致
發搐吐痰作渴腹脹痛按之即止此脾胃傷而變症也用七味
白朮散補中益氣湯頓安

柴苓散治壯熱來去

柴胡

麥門冬去尖焙

人參

赤茯苓

甘草各半兩

黃芩一兩

右爲末每服二錢入小麥三十粒青竹葉二片水煎服

二黃犀角散治溫壯熱心神不安大腑秘結

犀角屑

大黃酒浸

釣藤鈎

梔子仁

甘草

黃芩各半兩

右爲末每服五分熱湯調下量兒加減

牛黃散治溫壯常熱或寒熱往來

牛黃

天麻

三

牛黃

百出醫書
何身指要卷之六
十九
牛黃

牛黃研

甘草各半

柴胡

梔子酒炒

龍膽草酒炒

黃芩炒各二錢半

右為末每服半錢以金銀薄荷湯調下

黃龍湯治發熱不退或寒熱往來

柴胡五錢

黃芩炒

甘草各二錢

赤芍藥三錢

右每服三錢薑棗水煎

半黃膏治壯熱咽喉涎響或不省人事或左右手偏搐或唇口

眼鼻顫動此熱涎內蓄風邪外感也宜急服之

蝎尾四十枚

巴豆肉去油膜一錢半

辰砂研二錢

鬱金三錢皂用水煮

牛黃少許

麝香一匙

右為末每服一匙蜜水調下量兒虛實用之

梔子仁湯治陽毒壯熱百節疼痛下後熱不退者

梔子仁酒炒

赤芍藥

大青

知母各一兩

升麻

黃芩酒炒

石膏各二兩

柴胡半兩

甘草五錢

杏仁二兩浸去皮麩炒微黃

右每服三錢生薑三片水煎服

六物黃芩湯治壯熱腹大短氣往來寒熱飲食不化

黃芩酒炒

大青

甘草炙

麥門冬去心

石膏各半兩

桂二錢

右每服一二錢水煎服

五物人參飲治壯熱咳嗽心腹脹滿

人參

甘草各半兩

麥門冬去心

生地黄各一兩半

茅根半握

右每服二三錢水煎服

益智丸治脾腎虛熱心氣不足

益智仁

茯苓

茯神各等分

右為末煉蜜丸桐子大每服五六十丸空心白滾湯下亦治白濁

薛氏醫法

保嬰最要卷之六

四物二連湯治血虛勞五心煩熱晝則明了夜則發熱脇肋并一身盡熱日晡肌熱

當歸 生地黃 白芍 川芎 黃連 胡黃連各等分

右水煎服

地骨皮散治虛熱壯熱

知母 柴胡 甘草 人參 地骨皮 茯苓 半夏各等分

右薑水煎有驚熱加蟬退天麻黃芩

抱龍丸方見傷寒 六味丸方見腎臟

七味白朮散方見積痛 導赤散

秘旨安神丸二方見心臟 瀉白散方見肺臟

惺惺散 保肺湯二方見咳嗽

四物湯方見急驚 當歸補血湯

柴胡清肝散

六神散方見夜啼

四君子湯

益黃散方見脾臟

寒熱

清涼飲子一方見發熱

補中益氣湯方見虛羸

六君子湯二方見內釣

瀉青丸方見肝臟

經曰陽虛則外寒陰虛則內熱陽盛則外熱陰盛則內寒寒熱往來此乃陰陽相勝也故寒氣并於陰則發寒陽氣并於陽則發熱寸口脉微為陽不足陰氣上入陽中則惡寒尺脉弱為陰不足陽氣下入陰中則發熱陽不足則先寒後熱陰不足則先熱後寒陰陽不歸其分則寒熱交爭也又上盛則發熱下盛則發寒陽勝則乍熱陰勝則乍寒陰陽相勝虛實不調故邪氣更作而寒熱往來或乍寒乍熱也少陽膽者肝之府界乎太陽陽

明之間半表半裏之分陰陽之氣易於相乘故寒熱多主肝膽
經症以小柴胡湯加減調之若祇見寒熱起居如常久而不愈
及大病後元氣未復悉屬陰虛生熱陽虛生寒宜用八珍湯補
之甚者十全大補湯有食積爲病亦令寒熱用保和丸消之若
兼嘔吐泄瀉用六君子湯厥冷飲熱人參理中丸作湯不止七
味白朮散食積既消而寒熱尚作者肝邪乘脾所勝侮所不勝
也用異功散加柴胡山梔其瘧症寒熱詳見瘧門

治驗

一小兒十四歲朝寒暮熱或時發寒熱則倦怠殊甚飲食不
忌手足指冷朝用補中益氣湯夕用六君子湯各二十餘劑
漸愈後因用功勞役前症復作更加頭痛脈虛兩寸尤弱朝
用補中益氣湯蔓荆子夕用十全大補湯兩月餘而痊但勞

役仍復寒熱服前二湯稍愈婢姻後又用功過度朝寒遍體
如米暮熱遍身如炙朝用補中益氣湯加薑桂暮用八味丸
加五味子各五十餘劑而愈

一小兒十三歲壯熱便秘服清涼飲愈而復作服地骨皮散
更潮熱又服芩連四物不時寒熱體倦少食而熱或晝見夜
伏夜見晝伏予謂肝脾虛熱夕用地黃丸加五味子朝用補
中益氣湯加山藥山茱而痊

一小兒寒熱不愈診其乳母左關脈弦數左脇作痛遇勞則
遍身癢痒遇怒則小便不利此因肝經血虛鬱火所致也先
用小柴胡湯加山梔牡丹皮諸症頓退又用加味道遙散母
子並痊

一小兒發熱咬牙乍寒乍熱耳內痛痒緣乳母有肝火所致

用柴胡清肝梔子清肝二散母子並服而愈

一小兒十四歲每日子時分發熱遍身如炙午未時則寒足

骨如水至膝至子時分熱仍作此內真寒而外假熱也朝用

補中益氣湯加參芪各三錢附子三分夕用大劑四君子湯

加當歸一錢附子五分各二十餘劑漸安又用參朮各五錢

歸芪各三錢陳皮甘草各一錢薑桂五分各數劑乃朝用十

全大補湯夕用六君子湯漸愈又用五味異功散而尋愈

一女子十五歲寒熱月經先期兩寸脉弦出魚際此肝經血

盛之症用小柴胡湯加生地黃烏梅治之而愈後寒熱消瘦

月經過期乃肝脾二經血氣虛弱也朝用補中益氣湯夕用

六味地黃丸而愈

羌活冲和湯治太陽無汗發熱頭痛惡寒春強脉浮緊又治非

時暴寒人中之頭痛惡寒發熱宜此湯治之以代麻黃湯用
太陽經之神藥也

羌活 防風 蒼朮 川芎 甘草
細辛 白芷 生地黃 黃芩

右水煎服

八珍湯 四物四君合用四物見急驚四君見內鈞 十全大補湯 方見自汗

六君子湯 加味道遙散 人參理中丸 方見冷瀉

異功散 三方見內鈞 保和丸 補中益氣湯 二方見虛羸

地骨皮散 方見潮熱 芩連四物湯 即四物二連湯加黃芩方見潮熱

地黃丸 八味丸 即地黃丸加五味子肉桂二方見腎臟

小柴胡湯 方見瘧症 柴胡清肝散

梔子清肝散

二方見發熱

傷寒夾驚夾食

錢仲陽云小兒正傷寒者謂感冒寒邪壯熱頭痛鼻塞流涕畏寒拘急是也夾驚者因驚而又感寒邪或因傷寒熱極生風是熱乘於心心神易動故發搐也用薄荷散人參羌活散之類解之甚者抱龍丸夾食者或先傷於風寒後復停滯飲食或先停滯飲食而後傷於風寒以致發熱氣粗噎氣壯熱頭疼腹脹作痛大便酸臭先用解散次與消導不解者大柴胡湯週歲已前傷寒熱輕者用惺惺散週歲已後須解表微汗若五六日不除邪入於經絡傳變多端不可枚舉若夫榮衛俱傷者羌活沖和湯主之過此則少陽陽明二經在于半表半裏肌肉之簡脉不浮沉外症在陽明則目疼鼻乾不得眠脉洪而長以葛根解肌

升麻等湯治之在少陽則耳聾脉弦數小柴胡湯加減和之若少陽陽明俱病小柴胡加葛根芍藥傳入陽明為裏脉沉實譫妄惡熱六七日不大便口燥咽乾而渴用大柴胡湯重則三一承氣湯若兼三焦俱病則痞滿燥實宜大承氣湯三陽之邪在裏為患不頭痛惡寒而反渴此為溫病當遵仲景法治之其餘正傷寒症治自有專方不復贅論其兼驚兼食者各從本症治

治驗 散見各症

抱龍丸治傷風瘟疫身熱氣粗痰實壅嗽常服安神鎮驚亦治

痘疹壯熱

牛膽南星 兩一

天竺黃

雄黃

辰砂

錢二

麝香

少許

右為末煮甘草汁丸櫻桃大陰乾每服一丸薄荷湯下氣喘有痰加枯礬

愚按前方若風熱痰嗽或急驚發搐昏睡咬牙形病俱實宜
用此方若初冒風寒咳嗽痰盛氣喘者屬客邪內作先用十
味參蘇飲客邪既解而腹脹吐瀉發搐咬牙睡而露睛屬脾
肺氣虛用五味異功散切忌祛痰表散若過服尅伐之劑以
致前症者尤宜溫補脾肺

紅綿散治傷風咳嗽鼻塞或流清涕

全蝎五箇 麻黃去節 僵蠶 白芷 川芎

桔梗 天麻各二錢 甘草 蘇木

右為末每服一錢加紅綿少許水煎有熱加荆芥

葛根解肌湯發熱惡寒頭痛項強傷寒溫病

葛根四分 桂一分 黃芩 甘草 白芍藥各三分 麻黃二分

右薑棗水煎服

三乙承氣湯治臟腑積熱痞滿燥實堅脹

甘草 枳實麩炒 厚朴薑製 大黃 芒硝各等分

右薑水煎服

升麻湯治小兒中風頭痛增寒壯熱肢體疼痛鼻乾不得眠兼

治瘡痘已發未發皆可服

甘草 白芍藥 升麻 乾葛各等分

右為末每服一錢水煎服

小柴胡湯 大承氣湯

大柴胡湯二方見症症 惺惺散方見咳嗽

葛根解肌湯 抱龍丸二方見傷寒

薄荷湯方見瘰癧 人參羌活散方見驚風

咳嗽

錢仲陽云嗽者肺感微寒八九月間肺氣正旺若面赤身熱其病爲實當用葶藶丸下之久嗽者不宜下若在冬月乃傷風嗽當用麻黃湯汗之面赤飲水咳嗽唾膿痰咽喉不利者以甘桔湯清之先咳後喘面腫身熱肺氣盛也以瀉白散平之嗽而唾痰涎乳者以白餅子下之潔古云嗽而兩脇痛者屬肝經用小柴胡湯咳而嘔苦水者屬膽經用黃芩半夏生薑湯咳而喉中如梗者屬心經用甘桔湯咳而失氣者屬小腸用芍藥甘草湯咳而右脇痛者屬脾經用升麻湯咳而嘔長蟲者屬胃經用烏梅丸咳而喘息吐血者屬肺經用麻黃湯咳而遺尿者屬大腸用赤石脂湯咳而腰背痛甚則咳涎者屬腎經用麻黃附子細辛湯咳而遺尿者屬膀胱用茯苓甘草湯咳而腹滿不欲食面腫氣逆者屬三焦用異功散若咳嗽流涕外邪傷肺也先用參蘇飲喘嗽面赤心火刑肺也用人參平肺散及六味地黃丸嗽而吐青綠水肝木乘脾也用異功散加柴胡桔梗嗽而吐痰乳脾肺氣傷也用六君子加桔梗若嗽唾膿痰者熱蘊於肺而成肺癰也用桔梗湯凡風邪外傷法當表散而實腠理其用下藥非邪傳於內及胃有實熱者不宜輕用面色白脉短澁者肺之本症也易治面色赤脉洪數者火刑金也難治

治驗

一小兒潮熱煩渴大便乾實氣促咳嗽右顙色赤此肺與大腸有熱用柴胡飲子一服諸症頓退後又發搐咬牙頓悶此肝脾氣血虛也用四君芎歸鈞藤鈎而愈
一小兒咳嗽惡心鼻塞流涕右顙青白此脾肺氣虛而外邪所乘也先用惺惺散咳嗽頓愈但飲食不思手足指冷此外

邪雖去而元氣尚虛也當調補脾上而生肺金遂用六君升
麻治之而愈大凡外邪所侵而痰涎壅塞也宜表散之外邪
既去而喘嗽未愈或更氣促肺氣虛也屬形病俱虛須用六
君子之類調補脾土以生肺金為善設逕補肺氣則反益其
邪况肺乃脆嫩之藏而司腠理以脾為母若腠理不密風邪
外侵蘊結於肺而變咳嗽諸症乃形氣不足病氣有餘也最
難調理設或嘔吐傷其胃氣汗下損其津液必變肺痿肺癰
吳江史萬言子六歲感冒咳嗽發散過度喘促不食痰中有
血用桔梗湯而愈後因元氣未復清氣不升大便似痢或用
五淋散黃連枳實之類痰喘目劄四肢抽搐變慢風而歿
一小兒傷風咳嗽發熱服解表之劑加喘促出汗余謂脾肺
氣虛欲用補中益氣湯加五味子補之不信乃自服二陳桑

皮枳殼而發搐痰湧余仍用前藥加鈞藤鈎而痊

一小兒有哮病其母遇勞即發兒飲其乳亦嗽用六君桔梗

桑皮杏仁治之母子並愈

一小兒傷食發熱抽搐嘔吐喘嗽屬脾肺氣虛有熱用六君

炒黑黃連山梔而愈

一小兒咳嗽因乳母素食膏粱炙博所致用清胃散而愈後

其母因怒咳嗽脇痛其子亦然母服小柴胡湯子亦隨愈

吳江史萬洲子傷風咳嗽或用散表化痰之藥反加癰盛腹

脹面色光白予謂脾肺氣虛也用六君桔梗一劑頓愈三日

後仍嗽鼻流清涕此復感於風寒也仍用前藥加桑皮而愈

一小兒發熱咳嗽右頰赤色此肺金有熱用瀉白散而愈次

日重感風邪前症復作聲重流涕用參蘇飲加杏仁桑皮而

愈但右顛與額微赤此心火乘肺也用人參平肺散一劑
一小兒咳嗽發熱右臉赤色作渴煩悶倦怠少食肚腹作脹
此風邪傷肺飲食傷脾先用六君桔梗杏仁柴胡一劑諸症
少愈後去杏仁柴胡又一劑而安

一小兒發熱右臉赤咳嗽痰盛余謂風邪蘊結於肺而痰作
也用二陳加桑皮杏仁桔梗治之將愈自用發散降火之劑
風痰不退發熱益甚余曰此脾肺俱虛也用五味異功散加
桔梗四劑漸愈又用六君子湯而愈

一小兒三歲痰涎上湧氣喘胸滿大便不實睡而露睛手足
指冷此屬形病俱虛也用六君桔梗一劑諸症稍緩至四劑
將愈復傷風寒前症仍作又以前藥加紫蘇杏仁桑皮而安
一小兒傷風咳嗽痰盛雜用化痰等藥寒熱益甚面色或青

或赤此風熱相搏也用牛黃清心丸一服又六君桔梗二服
而痊

麥煎散治夾驚傷寒吐逆壯熱表裏不解氣粗喘急面赤白汗
或狂語驚叫或不語自汗又治癰疹搔痒往來潮熱或時行
麻痘餘毒未盡痰涎咳嗽或變驚風手足搐搦眼目上視或
傷風頭疼並宜服之

- 滑石 地骨皮 赤芍藥 石膏 白茯苓
- 杏仁 人參 知母 甘草 葶藶子炒各半兩

麻黃去節一兩半 小麥五六粒

右為末每服一錢麥子煎湯調下若久嗽傳於五臟或唾痰
涎或厥冷驚悸甚則目眶腫黑白睛色赤用生地黃黑豆濕
研或膏掩目眶上服麥煎散久嗽成癰服散癰之藥

保嬰最要卷之六

小青龍湯治傷寒表不解惡寒體熱心下停水乾嘔咳嗽喘急
或肺脹胸滿鼻塞涕淚逆氣喘仰景所謂表不解心下有
水氣乾嘔發熱而咳或渴或噎或小便不利或小腹脹滿此
湯主之

麻黃去節 赤芍藥 半夏湯炮各七錢 細辛 乾薑炮

甘草炙 桂枝各三錢 五味子半兩

右每服二錢水煎

理中湯治脾胃虛寒胸膈痞滿或心腹疼痛痰逆嘔吐飲食減
少氣短羸困或霍亂吐利手足厥冷不喜飲水者

人參 白朮 乾薑炮各等分 甘草炒減半

右每服三錢水煎服或研末白湯調下

惺惺散治外感風寒鼻塞痰嗽發熱

桔梗 細辛 人參 白朮 甘草 瓜蒌根 白茯苓

右為末每服二錢入薄荷五葉水煎服

參蘇飲治感冒發熱頭疼傷風咳嗽傷寒嘔吐胸膈不袪痰飲
凝結

紫蘇 前胡 陳皮 半夏炮七次 乾薑 茯苓
枳殼炒 桔梗各三錢 甘草一錢 人參三錢

右為末每服一二錢薑棗水煎服

保肺湯治肺胃受風熱痰盛欬喘吐不止及治久嗽不愈

山藥 白茯苓 紫蘇葉各一錢 白薑蠶去絲嘴炒二錢 藿香五分
百部六分 黃芩 防風 杏仁去皮尖炒各一錢 百合五分

五味子一錢 桔梗一錢

右水煎食後服

天麻防風丸治驚風咳嗽身體壯熱多睡驚悸手足抽掣精神昏悸痰涎不利及風邪濕熱

天麻 防風 人參 辰砂 雄黃 麝香 甘草各二錢半

全蝎炒 僵蚕各半 牛黃炒 一方有膽南星無麝香

右為末煉蜜丸桐子大每服一二丸薄荷湯下

麻黃湯治太陽症頭疼發熱身頭惡風無汗喘滿脈浮緊八九日不解當發汗汗已煩悶瞋目者必衄衄乃解所以然者陽氣重故也

甘草半兩 麻黃去節一兩半 桂枝一兩 杏仁去皮三十五個

右每服三錢水煎

柴胡石膏湯治時行瘟疫壯熱惡風頭疼體疼鼻塞心胸煩滿寒熱往來咳嗽涕唾稠枯

桑白皮 黃芩各三錢半 升麻二錢半 石膏 前胡

赤芍藥 乾葛 柴胡各五錢 荆芥穗三錢

右為末每服一二錢薑二片淡豉十粒水煎

葶藶丸治脾熱薰肺或傷風咳嗽面赤痰盛身熱喘促

葶藶子隔紙畧炒 防已 黑牽牛畧炒 杏仁去皮尖 仁麩

右為末研入杏膏拌勻取蒸棗肉搗和丸麻子大每服五七

丸淡薑湯下量兒加減

黃芩半夏生薑湯治膽腑欬嘔苦水若膽汁

黃芩 生薑各一錢 甘草炙 芍藥各六錢 大棗二個 半夏一錢五分

右水煎服

甘桔湯治心臟咳而喉中如梗狀甚則咽腫喉痺

甘桔湯治心臟咳而喉中如梗狀甚則咽腫喉痺

粉草一錢

苦梗一錢

右水煎食後服

芍藥甘草湯治小腸腑欬欬而失氣

芍藥

甘草炙各一錢

右水煎服

升麻湯治脾臟咳而右脇下痛痛引肩背甚則不可以動動則欬涎方見傷寒

烏梅丸治胃肺咳而嘔嘔甚則長蟲出

烏梅二十個

細辛

附子製

桂枝

人參

黃蘗各六錢

乾薑一兩

黃連一兩

當歸

蜀椒各四兩

右為末用酒浸烏梅一宿去核蒸之與米飯搗和丸梧子大每服十丸白湯下

赤石脂禹餘糧湯治大腸咳而遺尿

赤石脂

禹餘糧各二兩
並打碎

右每服二錢水煎

麻黃附子細辛湯治腎臟咳則腰背相引而痛甚則咳涎又治寒邪犯齒致腦齒痛宜急用之緩則不救

麻黃

細辛各二錢

附子一錢

右每服一錢水煎

茯苓甘草湯治膀胱咳而遺溺

茯苓二錢

桂枝二錢
半

生薑五片

右每服二錢水煎

牛黃清心丸

方見急驚風

瀉白散

方見肺癰

二陳湯

方見吐噦

補中益氣湯

方見虛癆

小柴胡湯 方見瘧症
桔梗湯 方見肺癆

四君子湯 六君子湯

清胃散 異功散 四方並見內鈞

地黃丸 方見腎臟
五苓散 方見五淋

人參平肺散 方見夜啼
白餅子 方見發密

百晬內嗽

百晬內嗽者名乳嗽甚難調理當審其虛實若氣粗痰盛口瘡眼熱先用比金丸嘔吐驚悸困倦自汗用補肺散驚嗽用琥珀散乳嗽用天麻丸若脾胃內熱用抱龍丸風邪外感者用惺惺散痰熱既去而氣粗痰盛或流涎者脾肺氣虛也用異功散加桔梗口瘡眼熱大便堅實者用三黃丸大便不實者用白朮散若嘔吐不乳困倦自汗或自利腹脹者脾胃氣虛也用六君子

加柴胡若驚悸困倦痰盛不乳者心脾血虛也四君子加芎歸酸棗仁或因乳母食五辛厚味致兒為患者仍參喘嗽諸症

治驗

一小兒外感風邪服表散之劑汗出作喘此邪氣去而脾肺虛也用異功散而汗喘止再劑而乳食進

一小兒咳嗽服抱龍丸反吐瀉不乳腹脹發熱用六君子湯母子並服而瘥後因母飲酒仍嗽用清胃散加麩蘗母服而子亦愈

一小兒患嗽或用清痰等藥反吐乳發熱搐搦腹脹此脾胃復傷而內虛熱也用異功散加鈞藤鈞漸愈又用前藥加當歸而安

一小兒患咳嗽服牛黃清心丸加喘促腹脹此脾肺氣虛也

用六君子湯頓愈

補肺散

一名阿膠散

治肺虛惡心喘急久患咳嗽有痰

阿膠 一兩半炒

鼠粘子 炒

馬兜鈴 各半兩

杏仁 七粒

糯米 一兩

甘草 三分

右每服一錢水煎服

天麻丸治未滿百晬咳嗽不止

天麻 蟬蛻

白僵蠶 炒

人參

川芎

甘草

辰砂

天竺黃 各二錢

牛膽南星

白附子

砒

雄黃

金箔 五片

鵬砂 五分

右為末蜜丸芡實大金箔為衣每服一丸用薄荷湯下

愚按前方乃金石大毒之劑不可輕用况百晬小兒多是乳

母飲食厚味或母有肺病傳兒昔一婦人服截瘧丹內有砒

者兒飲其乳良久子母昏愖遍身發赤翌日方甦又一婦人

亦服前藥其子吐瀉大作大人尚不能勝况小兒乎凡服砒

石之藥中毒遍身發赤昏瞶或吐瀉者急灌醋碗許即甦小

兒數滴足矣

琥珀散治急慢驚風涎潮昏胃目瞪驚搐內釣腹痛或驚癇 時發

辰砂 一錢

琥珀

牛黃

僵蠶 炒去絲嘴

牛膽南星

全蝎

白附子

代赭石

天麻

乳香

蟬殼 各一錢

右為末每服一二分白湯調下

黃芩清肺飲治肺燥而小便不通

黃芩 一錢

梔子

打碎

右水煎服不利加鹽豉二十粒

異功散

四君子湯

六君子湯

清胃散 四方見內鈞

白朮散 方見積痛

比金丸 方見驚癇

三黃丸 方見症症

惺惺散 方見咳嗽

抱龍丸 方見傷寒

牛黃清心丸 方見志驚

作喘

喘急之症有因暴驚觸心者有因寒邪壅盛者有因風邪外客者有因食鹹酸痰滯者有因膏梁積熱薰蒸清道者然喘與氣急有輕重之別喘則欲言不能隘於胸臆氣急但息短心神迷悶耳治法因驚者用雄朱化痰定喘丸佐以天麻定喘飲寒傷肺氣者用小青龍湯風邪傷肺者用三拗湯加減之食鹹酸傷肺者啗以生豆腐熱傷肺氣者當涼肺定喘哮喘喉聲如鋸者梅花飲兼用半夏丸前症多因脾肺氣虛腠理不密外邪所乘

真氣虛而邪氣實者為多若已發則散邪為主未發則補脾為主設槩攻其邪則損真氣逕補其肺而益其邪凡喘嗽之症若小便不利則必生脹脹則必生喘要分標本先後先喘而後脹者主於肺先脹而後喘者主於脾蓋肺金司降外主皮毛肺朝百脉通調水道下輸膀胱肺既受邪則失降下之令故小便漸短致水溢皮膚而生脹滿此則喘為本而脹為標也治當清金降火為主而行水次之脾土惡濕而主肌肉土能尅水若脾土受傷不能制水則水濕妄行浸潰肌肉水既上溢則邪反侵肺氣不能降而生喘矣此則脹為本而喘為標也治當實脾行水為主而清金次之苟肺症而用燥脾之藥則金燥而喘愈甚脾病而用清金之藥則脾寒而脹益增觀其症若中氣虛弱者用六君子湯中氣虛寒者前方加炮薑薑結氣滯者用歸脾湯加

薛氏醫案 卷之六 喘症 守道五七

柴胡山梔肝木剋脾土者六君柴胡山梔肺氣壅滯者用紫蘇
飲加白朮食鬱滯者用養胃湯加木香肺中伏熱水不能生
而喘者用黃芩清肺飲及五淋散脾肺虛弱不能通調水道者
用補中益氣湯及六味丸膏梁厚味脾肺積熱而喘者用清胃
散及滋腎丸心火刑金不能生水者用人參平肺散亦用滋腎
丸腎水虧虛火鑠金小便不利者用六味丸及補中益氣湯肝
木乘脾不能相制而喘者用六君柴胡升麻脾胃虛寒臍凸腹
脹者用八味地黃丸脾腎虛寒不能攝水如蠱脹者用加減腎
氣丸凡虧損足三陰而致喘脹或一便不調及牽引作痛者俱
用六味八味加減腎氣等丸治之仍參傷風咳嗽症

治驗

一小兒嘔吐發熱胸痞脇痛作喘發搐因乳母恚怒母服加

味逍遙散子服異功散加鈎藤鈎山梔並愈

一小兒痰喘鼻塞用惺惺散而愈後因傷乳服消導之劑痰
喘腹脹益甚余謂脾虛不能生肺而痰喘脾氣不能運化而
腹脹用異功散而痊

一小兒患喘服發汗之劑汗不出而喘益甚用異功散頓愈
又用六君子湯而全愈後復痰喘服下痰丸前症愈甚更腹
脹作嘔此脾肺復傷也再用異功散而漸愈半載後患喘嗽
面赤此心火尅肺金用人參平肺散及六味地黃丸而痊

一小兒傷風喘急不能臥復參蘇飲之類不痊余用小青龍
湯一劑而愈後復感寒嗽喘益甚服發表之藥手足並冷腹
脹少食余謂脾肺俱虛也用六君子加桔梗杏仁而愈

一小兒患喘面赤服牛黃清心丸面色既白手足不熱余謂

脾胃復傷用六君子湯不半杯而愈又傷風寒而喘面色仍
白用五味異功散加桔梗生薑治之頓安

一小兒七歲患前症久不愈或用下痰等藥連瀉數次飲食
不入手足並冷喘急不得臥先用六君桂薑益甚用人參五
錢附子一錢二劑少緩又二劑十減三四乃用獨參將愈却
用四君子而瘥

雄朱化痰定喘丸治因驚發喘逆觸心肺暴急張口虛煩神困

雄黃

硃砂各一錢研

蟬蛻

全蝎少許

白僵蠶

天南星

白附子炮各二錢

輕粉五分

右為末糊丸麻子大每服數丸茶清送下

梅花飲治五臟積熱喉中有痰面色赤白鼻流清涕氣逆喘急
目赤咳嗽或因驚夜啼

硼砂

馬牙硝

片腦

人參各一兩

甘草五錢

芒硝

辰砂

麝香各一錢

右各另為末磁器收貯每服半匙麥門冬湯調服氣急喘嗽
桑白皮湯下常服薄苛湯下

天麻定喘飲治喘嗽驚風

天麻

防風

羌活

甘草炒

人參

桔梗

白朮

川芎

半夏麩各等分

右每服一錢水煎服

三拗湯治感冒風邪鼻塞聲重語音不出或傷風寒頭疼目眩
四肢拘倦咳嗽多痰胸滿氣短

麻黃不去節

杏仁不去皮尖

甘草生用各等分

右每服二三錢薑水煎服

蘇子降氣散

蘇子

乾

字直五九

半夏丸治肺氣不調咳嗽喘滿痰涎壅塞心下堅滿及風痰嘔

吐惡心涕唾稠粘

白礬一兩半焙

半夏三兩湯泡七次薑汁製一宿

右為末生薑自然汁丸赤豆大每服十九薑湯下

紫蘇飲子治肺受風寒喘熱痰嗽

紫蘇葉

桑白皮

青皮

五味子

杏仁

麻黃

甘草

陳皮

人參

半夏

右薑三片水煎服

小青龍湯

惺惺散二方見咳嗽

異功散

清胃散

六君子湯

加味逍遙散

歸脾湯五方見內科

人參平肺散方見夜啼

平胃散

方見胃氣虛冷

牛黃清心丸

方見急驚

八味丸

即六味丸加肉桂五味子方見腎臟

黃芩清肺散

方見百喉內嗽

養胃湯

方見瘧症

滋腎丸

方見發熱

五淋散

方見五淋

六味丸

方見腎臟

補中益氣湯

方見虛羸

黃疸

金匱加減腎氣丸

方見腹脹

經曰中央黃色入通於脾故黃疸者脾之色也夫人身之神貴於藏而默用見於外則內虛矣其症皆因脾氣有虧運化失職濕熱留於肌膚發而為疸錢仲陽所謂身痛背疆二便澀滯遍身面目爪甲皆黃且山小便褐色者難治療法宜固脾為先如專用尅伐寬中澹滲利水之藥則鮮有不至危者矣若初生及百日半年之間不因病而身黃者胃熱胎黃也腹大食上為脾

薛氏醫案

保嬰撮要卷之六

三

字

疳兼作渴飲冷者用瀉黃散小便不利者茵陳湯病後發黃肢體浮腫者用白朮散清便自調肢冷嗜臥者益黃散身淡黃白者調中丸及補中益氣湯加茵陳身熱膈滿肌膚面目皆黃者加減瀉黃散辨其所以若閉目壯熱多哭不已大小便赤澀口中熱氣者迺妊娠厚味胎毒之候也母子並服生地黃湯仍忌酒麪五辛熱物設不自慎悞傷脾土急則變為驚風吐瀉緩則肢體浮腫小便不利眼目障閉多成疳疾矣又有脾虛發黃者當於脾胃中求之

治驗

一小兒旬日內先兩目發黃漸及遍身用瀉黃散一服而瘥
一小兒生旬日面目青黃此胃熱胎黃也用瀉黃散乳調服少許即愈後復身黃吐舌仍用前藥而安

一小兒因乳母食鬱而致飽脹嘔酸遍身皆黃余以越鞠丸治其母瀉黃散治其子並愈

一小兒患前症服五苓散消食丸之類其黃不退作渴飲湯腹膨少食余謂胃氣虛津液少故喜飲湯脾氣虛故腹脹少食也先用白朮散漸愈又用補中益氣湯而痊

一小兒飲食不調腹脹身黃小便金色雜用治疸之劑作渴飲水余謂胃氣實熱先用瀉黃散二劑其渴頓止用梔子枳皮湯其黃亦退用白朮散而飲食進

茵陳湯治陽明病發熱汗出者此為熱越不能發黃也但頭汗出至頸而還小便不利渴飲水漿此癰熱在裡而發黃也或傷寒七八日小便不通腹微滿身黃如橘色者

茵陳蒿

嫩者一兩

大黃

三錢半

梔子

大者三枚

右每服一錢水煎服

犀角散治黃疸一身盡黃

犀角 一兩

茵陳

葛根

升麻

龍膽草 酒炒

甘草

生地黄 各半兩

寒水石 三錢

右每服三錢水煎服一方瓜蒌根汁和蜜服

小半夏湯治黃疸小便色不變自利腹滿而喘者不可除熱熱

去必噦

半夏 湯洗七次

右每服二三錢薑三片水煎服

消食丸治胸膈氣痞乳食不消身後黃者方見嘔吐乳

茵陳五苓散即五苓散加茵陳每服一錢溫水調下日二服

導赤散 二方見五淋

越鞠丸 方見天鈞

承氣湯

小柴胡湯 二方見瘧症

調中丸 即理中丸方見冷瀉

平胃散 方見脾胃虛冷

史君子丸 方見虻蟲

益黃散 方見脾臟

地黃湯 即濟生地黃湯

白朮散 方見積滯

四味肥兒丸 方見嘔吐

瀉黃散 方見脾臟

嘔吐乳

嘔吐皆主脾胃古人謂脾虛則嘔胃虛則吐是也嘔者有聲無物吐者有物無聲也蓋乳哺過飽則胃不能受而溢出噉乳多食睡則脾不能運而作瀉脾胃漸傷疾病纏綿甚至慢驚之患矣若手足指熱喜飲熱湯或睡而露睛皆胃氣虛弱也用異功散若手足指熱飲冷或睡不露睛屬胃經實熱也用瀉黃散若作瀉少食或小便色赤胃經虛熱也用七味白朮散大凡嬰兒

薛氏養育安

保嬰最要卷之二

七

中

在乳母尤當節飲食若乳母停食亦能致兒吐瀉故不可不慎也

治驗

一小兒傷食嘔吐發熱面赤服消導清熱之劑飲食已消熱赤未退余以為胃經虛熱用六君升麻柴胡四劑而痊
一小兒傷食嘔吐服尅伐之藥嘔中見血用清熱涼血反大便下血唇色白而或青余謂脾土虧損肝木所乘令空心服補中益氣湯食遠服異功散使涎血各歸其源果愈
一小兒吐酸乳食用四君吳萸黃連木香補脾平肝而愈後口中有酸水仍用前藥隨愈後吐苦水而口亦苦用龍膽湯以清肝火四君子湯以補脾土而痊
一小兒吐黃水所食之物悉皆甘味用瀉黃散清其胃火而愈後因停食服尅伐之藥口甘不食形氣殊弱用補中益氣

湯養其中氣而痊

一小兒傷食噎腐用平胃散一服宿滯頓化余云不必多藥但節其飲食自愈不信別用尅滯之藥更加吐瀉以致不救
一小兒傷食發熱面赤抽搐嘔吐氣喘唾痰此飲食傷脾肺氣虛弱所致用六君子湯炒黑黃連山梔各二分一劑頓愈
消乳丸治嘔吐消乳食脉沉者傷食不化也

香附子炒

宿砂仁

陳皮去白

甘草炙

神麴炒

麥牙炒各等分

右為末米糊丸黍米大每服二十九薑湯下

又方治百晬內嘔吐乳妳或大便青色用少婦乳汁一盞入丁香十粒陳皮一錢磁器內煮數沸稍熱空心以綿毯吮服
楊氏消食丸治乳食過多胃氣不能消化

宿砂

橘皮

三稜

蓬木

神麴炒

麥芽炒各半兩

香附炒二兩

右為末麴糊丸麻子大白湯送下量見加減

局方觀音散治外感風寒內傷脾胃嘔逆吐瀉不進飲食漸至

羸瘦

人參一兩

神麴炒

茯苓

甘草炒

木香

綿黃芪

白扁豆

白朮各一錢

石蓮肉去心二錢半

右為末每服一錢入藿香三葉棗水煎服

香附散治積冷嘔吐

藿香葉

陳皮

厚朴

薑汁製各七錢

半夏

一兩湯炮七次

甘草

炙一錢

右每服二錢薑棗水煎瀉甚加木香肉豆蔻

香薷散治寒溫不適飲食不調或外因風寒暑邪致吐利心腹

痰痛霍亂氣逆發熱頭痛或轉筋拘急或疼痛嘔噦四肢逆

香薷一兩

茯苓

白扁豆炒

厚朴

薑汁製各五錢

右每服二三錢水煎加酒半杯冷服立効

竹茹湯治胃受邪熱心煩喜冷嘔吐不止

葛根七錢半

半夏炮半兩

甘草炙三錢

右每服二三錢入竹茹棗許大薑水煎取青汁微冷細細服

加茯苓三錢尤妙

蘇合香丸治傳屍骨蒸痿痺肺痿怔忡鬼氣卒心痛霍亂吐痢

驚癇客忤等症

蘇合香油

入安息香膏內

薰陸香另研

龍腦研

木香

白朮

白檀香

丁香

朱砂研水飛

沉香

香附子炒

烏犀骨

畢撥

安息膏

另為末用無灰酒拌膏

麝香研

訶黎勒

煨取皮各三兩

右爲末研勻用安息香膏并蜜和丸桐子大井花水空心化服一二丸温酒亦得更用蠟紙裹彈子大一丸緋絹袋盛當心帶之辟一切邪及治胸膈噎塞腸中虛鳴宿食不消

青州白丸子治驚風吐乳

天南星三兩 白附子一兩 半夏七次 川烏頭去皮臍半兩

右用井花水浸晒過次日早晨再換新水春五日夏三日秋七日冬十日晒乾爲末以糯米粉煎粥清爲丸菜豆大薄荷湯調下

瀉白散 方見脾臟 白木散 方見積痛

異功散 六君子湯

四君子湯 三方見內鈞 龍膽湯 方見際風

平胃散 方見脾胃虛冷 補中益氣湯 方見虛羸

吐舌弄舌

舌屬心脾二經小兒舌微露而卽收者名弄舌此屬心脾虧損用温胃散補之舌舒長而良久不收者名吐舌乃心脾積熱用瀉黃散主之或兼口舌生瘡作渴飲冷屬胃經實熱亦用前散作渴飲熱屬胃經虛熱用四君子湯食少作渴或大便不實脾胃虛弱也用七味白木散口角流涎或腮頰患腫胃虛風熱也先用人參安胃散次用七味白木散若午後甚者脾血虛也四物多加參朮茯苓未應用補中益氣湯及審五臟相勝若因疳瘦所致當參諸疳門

治驗

一小兒弄舌發搐手指不冷余謂肝脾虛熱用異功散加升麻柴胡而愈後傷乳腹脹服尅滯作瀉弄舌手指發熱審乳

母肝火與小柴胡湯加升麻白朮治之母子並愈

一小兒乳食過多患吐瀉用大劑異功散加柴胡升麻母子

服之而愈後因驚服至寶丹之類發搐弄舌幾至慢驚余用

六君子湯加白附子服而愈

一小兒吐舌發熱飲冷額鼻黃赤吐舌流涎余謂心脾實熱

用導赤瀉黃二散而愈後復作別服清熱等藥更弄舌余用

異功散加釣藤鈎而安又用六君子湯全愈

一小兒七歲食生冷之物腹痛便秘服峻利之劑連瀉五次

噫氣腹痛余謂心脾虛寒用異功散加薑桂木香治之不從

反治胃火更加吃逆余仍以前藥加附子一片一服諸症頓

退仍去附子又三劑而愈其時同患是症用清胃化痰者歿

而手足俱顫

四物湯 方見急驚

補中益氣湯 方見虛羸

小柴胡湯 方見瘧症

導赤散 方見心臟

瀉黃散

人參安胃散 二方見脾臟

七味白朮散 方見積痛

異功散

六君子湯

四君子湯 三方見天鈎

五苓散 方見五淋

